

# أحزاني تفوق عمري

خواطر وأشعار...!

## طارق عزت

العنوان: أحزاني تفوق عمري  
الصنف: خواطر شعرية  
المؤلف: طارق عزت  
تنسيقات طباعة: م. هالة محمود  
مراجعة: النوارس  
تصميم غلاف: م. أمير عبد الوهاب  
مقاسات الكتاب: 21\*14  
عدد صفحات الكتاب: 164  
طبعة أولى: 2020  
الناشر: النوارس للدعاية والنشر  
رقم الإيداع بدار الكتب والوثائق المصرية: 2019/5436



الإسكندرية.. أبي قير  
19 ش الحرية تقاطع الظاهر ببيرس  
ت: 01014093883 / 01211999089  
[Elnwares.advertising@gmail.com](mailto:Elnwares.advertising@gmail.com)

للتواصل على فيس بوك

[/https://www.facebook.com/groups/322676661399274](https://www.facebook.com/groups/322676661399274)

لا يسمح بطباعة هذا الكتاب أو تصويره أو نسخه بأي طريقة ورقية أو إلكترونية إلا  
بإذن خطي ومسبق من المؤلف..

## الإهداء

أهدي هذا الديوان  
بكل ما فيه من خواطري  
وبكل حرف ومعنى  
إلى أحزاني التي تفوق عمري  
إلى جروحي  
إلى أعماقي الجريحة  
إلى دمع جف قبل أن يسيل  
إلى كل ثانية بليل سهرته بلا فرح  
إلى آلامي  
إلى طارق عزت  
إليَّ أنا

## نبذة عن الكاتب

### طارق عزت أحمد محمد

إنسان يعشق التواضع يكره النفاق  
يعيش بفطرة بسيطة سليمة  
يعشق عمله في مجال الديكورات  
يهرب من أحزانه إلى عمله ليل نهار  
وإن اختلى بنفسه يكون القلم رفيقه  
يكتب ويكتب حتى يروح في سبات  
خفيف الظل يحب الغير  
يتمنى الخير للجميع  
فني تشطيبات وديكورات  
مواليد القاهرة.. مصر

## المقدمة

في مطلع القرن الماضي كان للصحافة أثر كبير في ازدهار فن المقال الصحفي والخاطرة فتباري الكتاب في الإبداع من مكنون خلجاتهم وعقولهم وانتشر المقال بشكل كبير فظهر المقال الفلسفي والمقال النزالي والمقال التصويري. ومع مطلع هذا القرن ظهر الإنترنت فأفسح المجال للناس للتعبير عن عواطفهم ومشاعرهم بشكل مباشر وصريح بشتى فنون المعرفة ما بين نثر وشعر وقصة ورواية وقصة قصيرة جدا وومضة. وبين أيدينا عمل يمزج بين الشعر والنثر فهو في الشكل نثر لأنه لا يركز على الوزن والقافية ولا يخلو منهما، من ناحية المضمون فهو يحمل شحنات متباينة من العواطف ما بين عشق ووله أو غضب وثورة، عشق للحبيبة ووله لها أو حب للوطن وأحيانا ثورة جامحة علي نفس المحبوبة وهذا التباين يبعد بنا عن الحب العذري الذي حمل لواءه قيس بن الملوح وهو من أشهر شعراء هذا النوع من الشعر، والذي اشتهر باسم مجنون ليلى نسبةً لحبيبته ليلى العامرية، وكثير عزة، بالإضافة إلى جميل بن معمر والذي اشتهر باسم جميل بثينة، وقيس بن ذريح والعباس بن الأحنف وغيرهم كثير. ولماذا هو يختلف لأن عاطفته كالفراشة تنتقل من زهرة إلي زهرة فإذا، رضيت المحبوبة مجدها وإذا غضبت أشاح عنها وذمها يقول في قصيدة (أعترفلك):

نفسي أتكلم معاك وأقولك  
ومن جوايا أعترفلك

إني بحبك  
وأكمل عمري بين أيديكي  
وقصاد عينيك  
وأسكن جوة حضنك وأشكيلك  
عن همي وفرحي وأفضفضلك  
وحروف أشعاري واهبهالك

ثم يتراجع عن ذلك ويهدد الحبيبة في قصيدة (يا ويلك):

يا ويلك من اللي هيجراك  
يا ويلك  
يا ويلك من طول ليلك ونهارك  
يا ويلك من اللي هيجراك  
يا ويلك  
هان عليك الحب والأيام  
وسهر الليالي والسنين  
والعشرة والحنين  
وكل اللي فات من عمري عندك  
يا دوب يشبه شوية ذهب قشرة  
يا ويلك من اللي هيجراك  
يا ويلك

وتظهر عاطفة الشاعر الجياشة حينما يتحدث عن ألمه وخيانة  
الحبيبة وهي سمة برزت كثيرا في ديوان الشاعر يقول في قصيدة  
(مش فاكرلك):

شريت المر قبل الويل عشانك  
وعشان أحقق كل أحلامك

يا ريتني عشت أيامي ليّ

ولا كنت إديتك أمان

يا كدبة خيال ف أوهامي

مش فاكرك أي لحظة حب دافية

مش فاكرك أي بسمة حب صافية

ومعظم قصائد الديوان آلام وأحزان وهجر وقسوة كما نري من

عناوين القصائد (مكسور القلب . مش فاكرك . خنتِ حبي..

خنتيني.. يا ويلك.. متكدبيش . اشرب يا قلبي . متقدريش . يا

خسارة . إحزانك بحزنك وغيرها كثير مما يمتلئ بها الديوان)

وكان صدر الأم هو الملجأ الآمن للشاعر يجري إليه حين تقسو

عليه الحبيبة ويبدو ضعيفا أمامها فهو دائما يشناق إليها يقول

في قصيدة (حتوحشيني يامة)

حتوحشيني يامة

أكثر ما انت والله وحشاني

كان نفسي أعيش

الي باقي من عمري معاك

وفي وسط لمة أخواتي وتفرحي بي

وتقوليلي ربنا يخليك لي

ويستمر الشاعر طارق عزت في رسم صورة أمه العظيمة التي

يحتاج إليها مما يدل على ارتباطه الوثيق بها فقد كانت تمثل

ركنا هاما وزاوية قوية وظهرا يستند إليه وقت الشدائد يقول في

قصيدة (بعدك طال عليّ يامة):

بعدك طال عليا يامة

يا أغلى شيء عندي

يا قلبي يا نور عنيّ

بعدك طال يامة عليّ  
النور ف حياتي من غيرك  
بقي يشبه الضلمة  
والدمع على طول  
مش مفارق عينيّ

وتبقي الأم الكبرى أم المصريين جميعا بل أم العرب هي المحور  
الدائم لكل الشعراء وقلما يخلو ديوان شاعر من قصيدة أو أكثر  
للتعبير عن حبه لها يقول في قصيدة (قومي يا مصر):

قومي يا مصر وشدي حيلك  
من دا إللي راح يقدر  
يفرق بينا وبينك  
لا عاش ولا كان

وفي قصيدة أخرى بعنوان (تملي يا مصر) يعبر فيها بصدق عن  
عاطفته الجياشة نحو مصر يقول:

تملي يا مصر فاتحة شبابيكك  
قبل بيبانك  
لأحبابك كلهم وخالانك  
والكل ساكن جوة ضي عنيك  
الكل سواسية عندك  
وفي غلاوة ولادك  
والأغلى منهم أحفادك فلتحيا مصر...

ليحيا القلب النابض طارق عزت متمنين له المزيد من الإبداع.  
الأستاذ الناقد /

**محمد فهمي**

# صدقتك إنتي

كدبت كل الناس  
وصدقتك إنتي  
هجرت الكل عشانك  
وهجرتي إنتي  
مديتش أمان لغيرك  
وخنيتي إنتي  
بقيتي باستمرار  
فبالي شاغلة قلبي  
وقايدة الذكرى نار  
سرحان ف الملكوت  
وعايش من غير روح  
حياة تشبه موت  
بزيادة ألم وجراح  
تعبت أنا منك والغلطة غلطتي  
أيوة غلطتي  
من بين الكل حبيتك وآمنتك  
حروف شعري وهبتك

وماتت جوايا مشاعري  
وانتهى حبي ليكي  
من بعد سهر وانتظار  
حروف الحب عشانك  
جمعتها وزوقتها  
قصايد ومعاني كتبتها  
منكرش.. أيوة منكرش  
أيام كان جوايا  
مشاعر ومعاني عشتها  
سكة السعادة  
وإيديا ف حزن إيديكي مشيتها  
دلوقتي الابتسامة على إيدك نسيتهها  
ياللي كنتيلي زمان الفرحة وابتسامتها  
الحبيبة بجمال ضحكتها  
والطفلة في براءتها  
كنت بشوف بعيونك  
وقت سلامي دموع الفرحة  
ولا الشريات وشربتها  
من حبي فيكي وقتها

جمعني بيكي السهر والغنوة الحلوة  
حببت وسمعتها  
ونجوم السما العالية  
اتحملت لهيب ضيها  
عشانك ومسكتها  
وكتبت اسمك عليها  
ورسمت صورتك ف قلبها  
وقلت هي دي إلي قلبي اختارها  
هي دي الي بحبها.. أيوة بحبها  
دلوقتي بسرقت ابتسامة كدابة  
مش م القلب  
وعايش وسط ألم وهم  
والجرح أصبح حقيقة جوايا مش حلم  
مع إني كنت بحبك للعلم  
خلاص إلي كان بينا  
أصبح ماضي وانتهى  
وحياتي هتبقى أحلى وإنتي مش فيها  
ومن عيوني ولا دمعة  
راح تنزل وتشوف فيها

# خنتي

حبك كانلي ألم وجرح وضياع  
حد فينا أخلص للحب وصان  
والتاني خان العهد وباع  
وفي طريقي أديني ماشي  
دلوقتي بقولك آسف وداع  
يا رحلة من العذاب  
عشتها زمان معاي  
مش جديد جبروتك عليكي  
بس إنتي في القرب كدابة  
وف البعد عايشة بربابة  
وحبل الود الي كان بينا  
انقطع وياديكي وهُنَّا  
خنتي كل عهد وكل كلمة  
كانت بيني وبينك  
خنتي كلام الحب  
الي شفايفي قالتهولك  
وأنا من طبييتي

حاضنك ف قلبي  
وماآمن لسحر عيونك  
قلبي خاف ف يوم عليكي  
وقلبك موت فيا  
مشاعر الحب  
اللي زمان عشتهولك  
حبك كانلي..  
ألم وجرح وضياع

## إنساها يا قلبي

إنساها يا قلبي  
وما تحبهاش  
لأنها كدابة  
وما تسواش  
العمر بيها أو من غيرها  
أيام وبتتعاش  
لو جت من تاني لحد عندك  
واترجتك.. أو اتصلت بيك..  
اعمل نفسك متعرفهاش  
لأنها كدابة وما تسواش  
احلم الحياة من غيرها  
طعمها أحلى وتتعاش  
إنساها يا قلبي  
وما تحبهاش  
لأنها كدابة  
وما تسواش  
خلي بالك من نفسك

وخي شوية من حزنك ودمعك  
دا أنا إلي حافظك وفاهمك  
ويا ريتني لا كنت شفتك  
ولا حبيتك  
يا ريتني كنت عشت لنفسي  
ولا كنت عشتك  
إنساها يا قلبي  
وما تحبهاش  
لأنها كدابة  
وما تسواش  
حمشي خلاص وحسيبك وحدك  
قاسي دمعك ف مندليك  
وعمري ما إيدي ف يوم  
راح تلمس إيدك  
وعمر طريقي ما هيكون طريقك  
ولا قلبي من نصيبك  
لإن السكة دلوقتي  
بالنسبالي مفتوحة

وكلامك.. إلهي كان معايا  
كلام من وهم  
ومشاعر مدبوحة  
ودي النهاية ليكي معايا  
وما تدمعيش  
يا ماضي..  
ويا حلم..  
إنساها يا قلبي  
وما تحبهاش  
لأنها كدابة  
وما تسواش

# حاولت أسعدك

حاولت كثير أسعدك  
وآجي على نفسي  
لجل عن الحزن والهم أبعدك  
حاولت كثير  
بس إنتي مفهمتيش  
أرجوكي عني  
ومن حياتي تبعدي  
حاولت كثير أسعدك  
وآجي على نفسي  
لجل عن الحزن والهم أبعدك  
أوعي تكذبي عليّ تاني  
وتسيبيني أغرق  
في دوامة الأمانى  
قلبي كان عايش ليكي  
مش عشانك  
وبتقولى لسة بتحبيني.. لا..

إنت لا حبيتي أيامي  
ولا عملت بكلامي  
ولا شوقي وحناني  
بس سهل عليكي تنسي نفسك  
وتنسي حزنك وألمك وفرحك  
بس مش هتنسيني  
حاولت كثير أسعدك  
وآجي على نفسي  
لجل عن الحزن والهم أبعدك  
كلمة وقلتها لك زمان  
ومش ممكن فيها حرج  
كفاية عليّ سامحتك  
بعد ما سمعت منك كلام يوجع  
حاولت كثير أسعدك  
وآجي على نفسي  
لجل عن الحزن والهم أبعدك

# خُدي بالك

يا ريتك تاخدي بالك  
من نفسك وكلامك  
بكرة الزمن لا حيرحك  
ولا الناس حتبطل  
تجيب في سيرتك  
إنّي من شوية ناس  
قلوبها سودة  
ما فيهاش خير  
إزاي بعد خيانتك ليا  
وبيعك لحب وشوق  
وسهر لياليا  
وللي منك وحبك  
ما تديله غير الجرح والغدر  
يا ريتك تاخدي بالك  
من نفسك وكلامك  
محاولتيش تسيبي

سيرة طيبة ليكي  
أتباهى بأجمل وأحلى ما فيها  
ما سبتيش غير  
ظلم وجرح  
وغش وندم  
باين على الوش  
وخيانة لعشرة  
وألم ينزف  
بصوت مجروح  
وأيام معاك زمان عشناها  
وندمنا دلوقت عليها  
يا ريتك تاخدي بالك من نفسك

# جرح الماضي

جرح الماضي لساه جوة مني  
ومن بعدك إنتي يا أعز ما عندي  
مين تاني هيسأل عليا ويشيل همي  
جرحي خلاص بقي مكتوب عليا  
من بعد فراقك عني  
أكيد فراقك هو شهادة موتي  
باستمرار ملازمي الحزن  
وقلة الكلام والسكوت  
أصل دي هي النهاية  
إلي باينة م البداية  
مبقتش تفرق معايا  
مين عليا ومين معايا  
بعد فراقك يا نور عنيا  
لحظاتي الحلوة راح تفوت  
مبقاش فارق أكون عايش  
أو حتى ف سكرات الموت

# إلي يشتريك

اشتري اللي يشتريك  
وبيع اللي ما يتمناش  
ف يوم نظرة واحدة من عنيك  
أو يشتاق ل لمسة من إديك  
ولو محتاجلك ف شيء  
أكيد هيسأل عليك  
وييجي لحد عندك  
ويدق على بابك  
ولو اضطر  
هيكون الأمان لكي  
ولو بيحبك أوي  
صعب ينسى عنوانك  
ولو بيتمناك هيتمنى  
يعيش عمرين على عمره  
لجل عيونك ويكون وياكي  
ويزيح من جواكي

حزنك وجرحك  
ويبقى سبب فرحك  
بس بُعدك لو طال عليا  
هنسى ملامحك  
وعيشك وملحك  
لأنه كان في يوم معاي  
وعلى قد ما عاش  
في الآخر انسحب يا واش يا واش  
وخالف كلامك ووعوده وعهدك  
اشتري إلي يشتريك

# ضيعتي حبي

ضيعتي حبي ليكي  
وفارقتي قلبي  
وفارقت حضني بإديكي  
إزاي هنت عليكي  
ضيعت حبي ليكي  
وهان عليكي  
وهدمتي كل شيء جميل  
كان بينك وبينني  
ضيعتي الابتسامة  
والضحكة المرسومة ليا فيكي  
واللي كانت طالة  
من قلبك قبل عنيني  
ضيعتي حبي وفارقتي قلبي  
وقتها سكت جوة مني الكلام

ليه معرفش  
وكان نفسي أقولك بحبك  
ولساني مقدرش  
دلوقتي الحب انتهى  
ومات في شراييني  
ومبقاش غير وجع القلب والألم  
ضيعتي حبي ليكي  
ضيعت عمري وحياتي عليكي  
لجل أرضيكي وأسعدك وأهنيكي  
وأشوف الفرح جواكي عايش  
وتملي حواليكي  
من غيرك صعبة الحياة  
لا ليها طعم ولا تتعاش  
ضيعتي حبي ليكي

# متحاوولش

متحاوولش تكون حد غير نفسك

واردم على ماضيك

قول إالي ف قلبك بعلو حسك

وحب إالي عايش جنبك وليك

عايش له لو فاهمك وحاسك

وتملي بيسأل عليك

وعايش الفرحة من نفسك

وابعد الجرح عن قلبك

وعن لياليك

عايش أيامك

بص قدامك

وابعد الشجن

وابعد الحزن من حواليك

وقول يارب

لجل حبيبتك

تكون وياك وليك

ويا محلى السهر

ويا ضي القمر

وايديها حضناك

وكفوفها فإديك

متحاولش

متحاولش تكون

حد غير نفسك

# أقولك

كان نفسي أقولك أنا آسف  
بس خلاص حكمولك ضدي  
والأمر ده كله لله  
كان ف قلوبنا بجد حنين  
ولا مرة كنت منك زعلان  
لا عتاب هيرجع حكايتنا  
أما أنا ضعت مع الأيام  
بس صعب الأمر عليكي  
كنت أنا بعشق أيوة عينيكي  
وحياتي حلوة وبعيشها  
ف يارب هونها عليا  
هونها عليا وعليكي

# كلامك

ده كلامك زود أحزاني  
إزاي جالك قلب تسيبني  
وتقول إنك مش علشاني  
وخلعت خلاص ليه الدبلة  
وآهات تسكن جوة كياني  
وإزاي بعد كلام الحب  
إلي ياما سمعته أنا منك  
ليه تحكم بالظلم عليا  
إنه يموت جوايا حنية  
ولا عشان طيب وياك  
هتزود دلحك وعنادك  
ولا اكمني بجد أنا هفضل  
عايش قلبي حزين علي طول  
شايل بكتم جوة ف روجي  
عمر عينيا تشوف الفرحة  
ده كلامك زود أحزاني  
وإزاي جالك قلب تبيعني

# حاسس بيكي

حاسس بيكي  
من غيرك ما تشتكي  
ولا تتكلمي  
مش واخدة راحتك  
في بيت أبوي  
كاتمة وساكتة وبتتألمي  
ولمين يا حبيبي تفضفضي  
حاسس بيكي  
لكن أعذريني  
ما بيديش غير إني أخاف عليكي  
ما بيديش غير إني أحبك  
وإن قالولك ده وهم  
أوعاك تصدقيهم

أرجوڪي متصدقيش  
غير إني حاسس بيڪي  
من غير ما تشتڪي  
ولا تتڪمي  
بتستني الليل بسواده  
يطل عليڪي لجل تبڪي  
حاسس بيڪي  
كاتمة وشايلة جواي  
حمل تقيل م الأحزان  
وايه يا حي باديڪي؟  
سالت دموعڪ  
بحرقة من عنبيڪي  
بس نصيحة يا حي  
مني ليڪي  
بيدڪ لازم تختاري

طريق تاني فيه ضي فيه نور  
حاسس بيكي  
من غير ما تشتكي  
ولا حتى تتكلمي  
عبي من قلبك الحزن  
إملي كل الكاسات  
كملي وما تندميش  
ما تندميش ع العمر إلي فات  
أوعي تعيشي ف الذكريات  
بكرة طعم الفرح يحلالك  
وبكرة الجاي يصفالك  
إنسي كل الحكايات  
واعتبرني حد عدى وفات  
حد راح خلاص ومات

# سمعاك

من فرحتها بيا

قالت: اتكلم وأنا سمعاك

قُلتها: حاسة باللي أنا حاسه؟

- قول أنا معاك

- بحبك

- كمل أنا بترجاك

- يا فؤادي

- حبي ليك كان حلم وأصبح حقيقة

من الليلا دي

- حبيبتك حب جنون

حلي بعيني الحياة والكون

يا حب وجمال مفتون

مشتاق لكلمة طيبة  
من جواي تنهي حلمي  
وتبدأ حياتي معاي  
واسألني دبلتي إلي فإديكي  
عايز أنسى قلة سؤالك عني  
إلي ياما شل فيا تفكيري  
بحبك وهعمل إيه  
وأشكيكي لمين يا عيني  
وانتي اللي قُلتني  
ملكيش حبيب غيري  
والوحيدة إلي حبها قلبي  
فبلاش بعد تاني بلاش  
تعبت من قسوتك

وعندك زمان ويا هجرك  
واللي راح من عمرنا مايرجعش  
في بعدك عني  
كانت الآه من الألم  
وجروح ملياني والعمر حياة  
ومرة واحدة هيتعاش  
فبلاش بعد تاني بلاش  
- خلاص يا حبيبي فهمتك  
بس كان واحشني كلامك  
وكنت عايزة أسمع صوتك

# اشرب يا قلبي

ابتسامتك من شفايفك  
ليه اتمحت  
والحب آه من الحب وآه  
اشرب يا قلبي  
من نار العذاب  
دا مفيش ف زماننا أحباب  
وآه من الحب  
هو كمان راح وبعد عنك  
ومات طعم الفرح جواك  
وسهران طول ليلك لوحدك  
رغم حزنك وجرحك  
وما تمتلكشي غير قلم  
وشوية أوراق  
وعمال تكتب سيناريوهات  
وبكرة انت كمان تبقى  
للناس ماضي وذكريات  
سجل واكتب

وركز في جرح المشاعر  
وكتب مليانة حكايات  
حب تاني مستحيل  
لقلب تاني صعب أميل  
مات كل شيء حلو جوايا  
بلاش تحلم بلقايا  
وانك تعيش العمر معايا  
العين على طول  
فيها دمع وحزينة  
إزاي يكمل المشوار  
وفينا حد مجروح  
وعايش لساه من غير روح  
ورب الكون يعوض علينا  
ويكفي نار الحزن  
اللي جواكم وجوانا  
حب تاني مستحل  
لحد تاني عمري ما أميل

# بحاول

كاتم الحزن وبداري  
اللي جوة القلب متداري  
وبحاول أضحك  
ونهر الحزن لساه  
في الدم ساري  
إحساس صعب وفضيع  
جواك لكنه عايش  
ومن الآه  
طعم الفرح بايش  
نار وقايدة فيك  
لهيبها بيحرقك ويوجعك  
بتضحك غصب عنك  
وقصاد الناس بتداري  
وجوة منك قلب مكسور  
كان زمان فرحان  
ودلوقت مات فيه الإحساس

كل يوم عليك بيفوت  
رغم الألم أديك عايش  
جسد من غير روح  
من ماضي كله جروح  
وياه... لما تبتسم للموت  
يا محروم من السعادة والهنا  
اصبر يمكن تكون النهاية  
مفرحة يا أنا  
بكفاية حزن عليك  
كان من نصيبك سنين  
وبكفاية الدمع  
إلي غير لون عنيك

# ما تكذبيش

لا تكلميني ولا هكلمك  
إنتي مش فاهماني ولا ف الوجة حساني  
رغم إني أخلصتك  
عشت حياتي عشانك  
على إيدك الفرحة ماتت  
وحزني بقي عندك  
ولا فرحتك بيوم عيدك  
يا ريت متكذبيش عليا من تاني  
وتقولي إنك لسة عاشقاني وحباني  
دا الحزن جوة منا  
ع الماضي حزين وعائش  
بس اللي مات يا قلبي  
واللي راحت منه الروح  
دا مستحيل هيرجع وترد فيه الروح  
لا تكلميني ولا هكلمك  
إنت مش فاهماني ولا ف الوجة حساني  
رغم إني أخلصتك

# مكاني

لسة قاعد ف مكاني  
والجروح والآهات ملياني  
والأحزان مش سايباني  
وأديني راضي بقضاء ربي  
رغم موت حلمي والأماني  
يا أغلى شيء عندي  
لسة قاعد ف مكاني  
والجروح والآهات ملياني  
والأحزان مش سيباني  
كانت ف إيديا دبلتك  
ودبليتي ف إديك فرحان ومنتحني  
والفرح باين ف عنيك  
دلوقتي الدمع والحزن مالي العين  
لسة قاعد ف مكاني  
والجروح والآهات ملياني  
والأحزان مش سايباني  
بقالنا كتير إحنا الاتنين

مستنيين بالحب نتهنى  
بس الدنيا قالت كلمتها  
والحياة صدرت أوامرها  
نشيل من إدينا الحنة  
وما خطرش ف بالي  
أسمع خبر بعدك عني  
هو موتك.. أيوة موتك  
ألف رحمة ونور عليك  
وداع يا بحر طيبة وحنية  
عشت ليّ وعشت يوم حوالياك  
ويا رب صبرني على الفراق  
يارب صبرني على الحرمان  
واحشني صوتك من آخر مكالمة  
قلتيلي فيها بحبك بحبك  
يا عمري إنت.. فينك  
أنا لسة زي ما أنا بتوب الفرح مستني  
لسة قاعد ف مكاني  
والجروح والآهات ملياني  
والأحزان مش سايباني

# يا ويلك

يا ويلك من اللي هيجراك  
يا ويلك..  
يا ويلك من طول ليلك ونهارك  
يا ويلك من اللي هيجراك  
يا ويلك..  
هان عليكي الحب والأيام  
وسهر الليالي والسنين  
والعشرة والحنين  
وكل اللي فات من عمري عندك  
يا دوب يشبه شوية ذهب قشرة  
يا ويلك من اللي هيجراك  
يا ويلك..  
يا ويلك من طول ليلك ونهارك  
يا خسارة كل كلمة  
حلوة قلتها لك  
كنت يا خلاص بعيشها لك

بعد ما كنت بعمرى مشتريكي  
خلاص لا بقيت عايزك  
ولا بفكر فيكي  
ولا نفسي عيني تشوف عنيكي  
لكني من جوايا ندمان  
علي اللي عشته وضيعته  
من عمري معاكي زمان  
ندمان على قلبي إلی انجرح بإديكي  
لكنه كان مخدوع فيكي  
ومفهمش قلبك ولا نظرات عنيكي  
خلاص أنا بوعدك  
عمرنا ما هنرجع تاني لبعضنا  
ولا عمر الشوق والسهر راح يضمنا  
ومني ليكي دا أكيد النهاية  
اللي فاكرينها قصة حبنا  
يا ويلك من اللي هيجرالک يا ويلک  
يا ويلک من طول ليلک ونهارک

# مش فاكرك

مش فاكرك أي لحظة حب دافية  
مش فاكرك أي بسمة حب صافية  
مش فاكرك أفتكرلك إيه يفرح  
وإنتي كلامك كان كله جارح  
حتى الحب اللي كانلك ف قلبي  
جوة مني بقى شجر معدش طارح  
مش فاكرك  
أفتكرلك ازاي وإنتي سبب عذاي  
وأفتكرلك إيه وإنتي سبب آلامي  
زمان صدقت كل كلامك  
شربت المر قبل الويل عشانك  
وعشان أحققلك أحلامك  
يا ريتني عشت أيامي ليا  
ولا كنت إديتك أمان  
يا كدبة من خيال ف أوهامي  
وكل أما أفتكر كبيرائك وعندك



# مكسور القلب

مكسور القلب  
وجوايا نار  
محروم م الحب  
وحياتي دمار  
ومن الحزن شارب  
وكل يوم بنهار  
بيقولوا عليا  
دا لسة شباب  
مع إن قلبي  
م الحزن شاب  
وعدوني الفرحة  
ف طريقها جاية  
وآه من الهم  
وآهين م العذاب  
من دمعة تملي سحابة بعنيا  
والآه ليها جوايا صوت  
ونار بالقلب والعة

وعيشة كئيبة من السكوت  
كان نفسي أعيش الفرحة  
وتبقى ف القلب  
شجرة ورد وطارحة  
بس الحب أصبح  
جوانا شيء مجهول  
والفكر عدو وغول  
والقلب لساه بيتمنها  
وليها مذلول  
وآديني عايش على أمل  
يتحقق الشيء المحتمل  
وكاتم جوة مني  
بقالي زمن ومتحمل  
مكسور القلب وجوايا نار  
محروم من الحب  
وحياتي دمار

# أعترفلك

نفسى أتكلم معاي وأقولك  
ومن جوايا أعترفلك  
إني بحبك..  
وأكمل عمري بين إيديكي  
وقصاى عينيكي  
وأسكن جوة حضنك  
وأشكيلك  
عن همى وفرجى  
وأفضفضلك  
وحروف أشعارى  
واهبالك  
كنت من حبى فيكى  
كاتبهالك  
وأشوف أثر الحب  
ورد من شفائىك  
منهم حرفين مكتوبين  
من أسامينا ف مندليك

بقلبي قبل عيوني شايفك  
وأسهر أكتب شعر وأغنيك  
يا أمل بعيد عني  
والاسم إنه جوة مني  
آيات يسجد لها  
القلب م التجلي  
بس مهما تبعدني  
هفضل أنا وقلبي  
بناديلك ومشتاقلك  
نفسني أتكلم معاكي وأقولك  
ومن جوايا أعترفلك  
إني بحبك...

# اطمني

هو:

اطمني  
اطمني وما تخافيش  
من غيرك صعب أعيش  
يا نهر حب بيسري في دمي  
يا حته منك ويا حته مني  
يا دقات قلب شايلة همي  
وعيونك إلي سهرانين لي

اطمني  
اطمني وما تخافيش  
من غيرك صعب أعيش  
حبك جوايا ما ينتهيش  
يا لهيب ف القلب  
ونار ما تتطفيش

اطمني  
اطمني وما تخافيش  
من غيرك صعب أعيش

هي:

قلتك يوم والثاني  
هبعء عن عنيك  
يمكن تنساني  
طلعت أنا الغلطانة  
واتأكدت إنك عشاني  
مكتوبلي مش لحد ثاني

هو:

يا بحر حنية  
يا أحن قلب عليا  
اطمني  
اطمني وما تخافيش  
من غيرك صعب أعيش  
في البعد عنك عرفت قيمتك  
يا ريتني كنت اتماديت ف حبك  
دلوقتي بقيت بحب الكلام  
إلي بتيجي فيه سيرتك

هي:

بُعد ثاني مش راح أبعد عنك

ولا في العتاب راح أهرب منك  
على طول هبقي حواليك  
وجوة قلبك وقصاد عنيك

هو:

اطمني  
اطمني وما تخافيش  
من غيرك صعب أعيش  
قلبي ليكي مش لحد تاني  
قلبي مليون بالحب  
والشجن والمعاني  
ف ياريت متدمعيش  
من غيرك صعب عليا  
أحس الفرحة أو حتى أعيش  
من غيرك كل شيء حواليا  
ما يساويش  
يا أطيب وأغلى حاجة عندي  
حبك جوايا مينتهيش

هي:

افرح يا قلبي وما تزعلش

أنا لسة بحبك متتألمش  
يا فرحة قلبي وزماني  
أنا لسة عايشالك أيامي  
زي ما أنا مستنياك بفستاني  
يا بستان فرحي  
يا حروف مرسومة  
حب وشوق

هو:

إنتي حبك جوة مني  
حب تمنه مش رخيص  
حب كل الناس تشوفه  
فاطمني ومتخافيش  
أيوة خافي م العيون  
أوعى يوم تتكلمي  
والحسد أكيد يكون  
واحنا بالأحلام نعيش  
فاطمني وماتخافيش  
صعب من غيرك أعيش  
اضحكي ومتخافيش

يا أغلى حاجة عندي  
يا رب تدوم العمر ليا  
وما تنتهيش  
افرحي وما تزعليش  
لسة بحبك  
يا فرحة قلبي وزماني  
رغم إن الحزن هديني  
بس لسة عايش أيامي  
لسة زي م انا في مكاني  
يا شهدي وأحلى المعاني  
وأجمل طرح ف بستاني  
اضحكي ومتخافيش  
حبي ليكي مش لحد تاني  
اطمني وما تخافيش

# الحياة رحلة

الحياة رحلة زي أي رحلة  
ولابد هيبجي لحظة نهاية  
وانت يا ظالم  
أكيد الأكيد مش راح تكون  
ساعتها معايا  
لإن حبك شلته خلاص من جوايا  
وصورك وريحتك  
فارقوا حضني وهوايا  
وكمان كرهتك  
وكرهت كل المواضيع  
إلي بتيجي فيها سيرتك  
وح أقسي قلبي عليك لجل انساك  
وانسى اللي يفكرني بيك  
وبالحلم اللي رسمته زمان وياك  
وعلى أمل إنه سر جواك  
ما انت اللي زيك في الغش

كثير ميتعدوش  
إزاي جالك قلب  
وجبت منين كمان وش  
تيجي لحد عندي  
وتطلب مني أنسالك  
نارك وعذابك وجرحك  
إلي لسة جوايا  
طب قولي إزاي  
بس عايزني أسامحك  
لأ.. إنسى  
مش حقبل الأسف منك  
(هاردلك) ومعلش  
إنت كنت إنسان أناني  
مش عايش بقلبك  
عايش بقلب حد تاني  
حد غدار وظالم  
عشت عمري كله عشانك  
وانت مشغول بغيري  
راح خلاص كل شيء حلو

ومات الصدق جواك  
وبعد وفائي وإخلاصي ليك  
فاكرني سهران بفكر فيك  
يا خسارة كل لحظة شوق  
حلمت فيها بلباقك  
ويا ريتني ما كنت ضيعت  
من عمري سنين وياك  
ليه دلوقت بتترجاني  
لأ خلاص روح وانساني  
آه منك ..  
آه يا وشك المكشوف  
يعمل العملة ويبقى مش مكسوف

# احترت

احترت واحتر كل ما فيا  
يا زمن كله بيجي عليا  
مستكثر ليه إني أحب  
وأنا أصلا مش ليا نصيب  
بتموت ف عروقي الحنية  
كان فعلا قلبي بروح عاشق  
مشتاق يسمع كلمة حب  
جوة نجومك قلبي يشب  
يسعفني على وجعي بضحكة  
وأنا قلبي بسببك مات فيا  
كنتِ الحاجة الحلوة ف عيني  
وانا شارب م الجرح التوب

# نفسي أشوفك

بتقولي نفسي أشوفك  
ومش عارفة أنساك  
ولا أنسى هواك  
لابسة أجمل لبس عندي  
مع ضي الشموع بستناك  
عايشة على ذكراك وتملي بقلبي  
قبل عنية شايفاك  
ومن كلامك معايا حساك  
دقات قلبي كلها صيناك  
واحشني ووحشاك نفسي أحضنك  
وأموّت فيك حزنك وخوفك  
واحشني صوتك  
واحشني الليل اللي كان  
بيضميني بين كفوفك  
واحشاني لمسة إديك ونظرة عنيك  
بتقولي نفسي أشوفك  
ومش عارفة أنساك ولا أنسى هواك

# سؤال..

نفسي أسألك يا دنيا سؤال  
بس تجاوبيني بصراحة  
هو عشان على قد الحال  
ترمي ف قلبي رموش جراحة  
وانتي تملي تعذي فيا  
بعيون سودة تقطع بيا  
أرجوكي روجي وارحمي قلبي  
ومتعلقنيش ف الملاغية  
أنا من كتر سنين أحزاني  
بلاقي الآه تمس كياني  
ضاعت فيها أيوة ملامحي  
من همك قلبي أنا بيعاني

# أفهمك

كان نفسي زمان  
أفهمك وتفهميني  
كان نفسي زي ما حبيتك  
من قلبك تحبيني  
سنين من عمري  
عدوا معاي وما عشتهمش  
ورغم الكذب والخداع  
الباين ف عينيك  
من طيبتي مشفتهمش  
كان نفسي زمان  
أفهمك وتفهميني  
كان نفسي زي ما حبيتك  
من قلبك تحبيني  
مش هقولك تاني بحبك  
قلبي خلاص مبقاش متحملك  
سبت الدنيا  
وهربت من سجنك

كان قلبي شايل حب ليكي  
وأخلصتك  
كرهت إيدي  
اللي لمست إيديكي  
وعنية اللي شافت عنيك  
واليوم اللي سُفت فيه  
الفرح معاكي  
ويا ريتني ما كنت اتمنيتك  
كان نفسي زمان  
أفهمك وتفهميني  
كان نفسي زي ما حبيتك  
من قلبك تحبيني

# ما تقدريش

مقدرش أقول أنا ما بحبكيش  
وانت كمان ما تقدريش  
أيوه بحبك  
وانا نفسي أعرف ليه بتوحشيني  
ولا يمكن ما بتوحشيش  
حببتك أنا.. أنا حببتك  
واخترتك من بين الناس  
وطني وداري وتر حساس  
وبحب غناكي وموالك  
وقراري دا أكيد قرارك  
يا حلم زمان فيا حلمته  
وما بين أحضاني أنا خبيته  
أنا مقدرش أسيبك وانت  
فعلا أيوه ما تقدريش  
إزاي عايزاني  
من غيرك أعيش؟

بحبك متزعليش  
جرحت قلبك معلش  
أنا آسف  
بحبك ليه وأنا عايش  
ومات جوايا الخوف  
يا أجمل ما شافت العين  
من وشوش  
وقلب أبيض بشوش  
مقدرش أقول أنا  
ما بحبكيش

# يا خسارة

واهو ضاع عمري  
خلاص يا خسارة  
وياي يا خسارة قلبي  
أيوة زمان أنا كنت بحبك  
وبحب ضي جمال عينيكي  
وقلبك خلاني سلمت إيديا  
وف عز قلبي ما كان صاحي  
وجراحي وهمومي بتنام  
بحلم بكل شيء فيكي  
وأتاريها بتضيع من الأيام  
دلوقتي بيزيد ليه بُعدك  
وتزيد ف قلبي الأوهام  
وعليكي أنا هُنت كثير  
وده حبي بقي عندك قسوة  
وخيانة وما فيش تقدير  
والكل خلاص يشمت فيا  
ويموت ويا عنيكي ضمير

ونسيتي الذكرى الحلوة  
ولا فاكرة الحب اللي ما بينا  
ونصيبنا وقسمتنا البعد  
وبندعي يا رب عِنا  
واهو ضاع إللي بينا  
يا خسارة

# إحساسك بحزنك

أصعب مراحل الأحاسيس  
اللى راح يمر بيك  
هو إحساسك بحزنك  
لما تكون سهران وحيد  
مع نفسك وتطول لياليك  
مرسوم الوهم على حيطان بيتك  
عايش قلبك ياما هموم  
مين هيفكر تاني فيك  
ويشارك فرحك وياك  
ويسهر الليالي  
يمسح كل دمع عينيك  
ومعاه تنسي كل قساک  
وينسيك جرحك وهمومك  
يبقي سندك ف الأيام  
وأهو نوع تاني من الأحاسيس  
بس ده نوع عادي ورخيص

إن ثقتك تبقى بشخص  
ف الآخر يطلع ده أونطة  
زي كلام الليل ما يدوب  
أيوة صحيح ما هي دنيا أونطة  
وأهونوع تالت م الأحاسيس  
لما تحب حد بجد  
وتحس إنك ليه شيء عادي  
وإن كلامك كله عليه  
ولا ليه لازمة تقوله ده ليه  
فاكر إنه حبيبك يوم  
عمره ما كانلك ثانية شريك  
لو عديت كام جرح ف قلبي  
مش راح ألحق أعد حقيقي  
من حرقة دمي وعذابي  
والحزن يخبط على باي  
هبقى خلاص أنا إنسان تاني  
قاسي ف كل كلامي مش هادي

# محدث غيرك

رغم الحزن  
اللي جوة القلب  
وماليني  
محدث غيرك  
قادر عنك يغنييني  
ولا الأيام  
ولا حتى الفرح  
لو بقى بعدد  
حروف شعري  
وسنيني  
مفيش شيء راح  
يطويني  
ويطفي نار شوقي ليكي  
وحنيني  
صعب جدا  
كل ما في الكون ينسيني

# جناين العشاق

لو بصيت هناك  
على شجر جناين العشاق  
وورقها إلي م السعادة  
مفروش  
تلقاه متزوق بكلام الحب  
ويبرسم القلب المخلص  
ما بين الأحباب  
ولإنه حب صالح  
بأيادي العشاق منقوش  
تلقاه لساه عايش  
وف قلوب العشاق صادق  
ومش مغشوش  
بتزين حروف الطيبة

# قومي يا مصر

قومي يا مصر وشدي حيلك  
من دا إالي راح يقدر  
يفرق بينا وبينك  
لا عاش ولا كان  
إالي يقول ما بنحبكيش  
أو حتى ما نعرفكيش  
دحنا بنعشق ترابك  
وبنحب كل شبر فيكي  
حتى اسألهم وهما يجاوبوكي  
أرضك ونيلك..  
وانتي الحب اللي ساكن فينا  
ونبض القلب والحنان علينا  
وشريان الحياة والأمان لينا  
الأمن إنتي والأمان  
محنة يا مصر هتعتدي قوام  
زي حبة ريح ومعدين  
وعتاب ما بين أم وابنها

وفي آخر العتاب  
لابد يفهم إن الأم متعوضش  
ومفيش حد تاني زيها  
حتى لو كان الطبع في أختها  
والابن من تاني أكيد راح يعتذرلها  
ويبوس إديها قبل خدها  
قومي يا مصر  
قومي يا مصر وشدي حيلك  
مين دا اللي راح يقدر  
يفرق بينا وبينك  
محنة ولازم نتعلم منها...

# روحي بتحن

حبيبتى أرجوك سبيني  
أحبك من بعيد لبعيد  
حركتي كل شيء فيا  
قلبي لسة أيوة عايش  
بس الحقيقة إنه مات  
حبيبتى أرجوك سبيني  
أحبك من بعيد لبعيد  
حبيتك من ريحة الورد  
والصورة اللي ساكنة خيالي  
حسنك..

همسك..

مسكك والود

دايما بتجيلي على بالي  
روحي بتحن للماضي  
للفرحة والذكرى الحلوة  
وبعيش لسة آهات وعذاب

بس أنا عيبي بكتم همي  
وبشيل جوايا الأحزان  
ويعيش الحب اللي في قلبي  
وده مهما تمر الأزمان  
حببتي أرجوكي سبيني  
أحبك من بعيد لبعيد

# حتوحشيني يامة

حتوحشيني يامة  
أكثر ما إنت والله وحشاني  
كان نفسي أعيش  
اللي باقي من عمري معاك  
وفي وسط لمة أخواتي وتفرحي بيا  
وتقوليلي ربنا يخليك ليا  
يا بني يا أحلى حاجة في عمري  
يا ضي عينيا  
بس رصاص الغدر يامة نهى حياتي  
وعشش جوة مني  
اختارني الموت  
زغردي يامة أنا الشهيد  
لا بخاف من رصاص ولا حديد  
عند الحق وفي العرض عنيد  
اتنهدي وانسي السكوت  
واطمني مانيش وحيد

افرحي يامة وما تبكيش  
رصاص الغدر مخلانيش أعيش  
بس ف الجنة أكيد أنا مستنيك  
ومع بعض هنعيش  
أصل إنت علمتينا  
ف وقت الجد نكون رجالة  
وف ضحكنا محترمين نفسنا ورجالة  
افرحي يامة إحنا كبرنا  
ومابقناش صغار لسة  
ولا رجالة خيبانة  
إحنا الرجالة  
افرحي يامة بس حتوحشيني  
أكثر ما انت والله وحشاني  
كان نفسي أعيش وأعيد معايي  
وأشوف فرحة رجوعي ف عنبيكي

# تملي يا مصر

تملي يا مصر فاتحة  
شبابيك قبل بيبانك  
لأحبابك كلهم وخالنك  
والكل ساكن جوة ضي عنيني  
الكل سواسية عندك  
وفي غلاوة ولادك  
والأغلى منهم أحفادك  
فلتحيا مصر  
ويدوم خيرك تملي يا مصر  
تملي يا مصر فاتحة  
شبابيك قبل بيبانك  
لأحبابك كلهم وخالنك  
الكل عندك واحد  
ما فيهمش خيار ولا فقوس  
ولا جواك أبدا غل لحد باعك  
ولا حتى جَرَّح في جمال شبابك  
يا مصر يا قلبي يا نور عيني  
أنا حته منك يا حته مني

متزعليش منهم دول برضو ولادك  
ناس فقيرة من جواها  
والأسوأ كمان من براها  
بس الحقيقة الفقر مش عيب  
العيب فقر النفوس  
تملي يا مصر عشانك  
ع النار نخطي وندوس  
تملي يا مصر فاتحة  
شبابيك قبل بيبانك  
لأحبابك كلهم وخالنك  
لو ما كنتش أشيل أنا عنك  
حزنك وهمك  
مين غيري راح يكون  
وقت المحن جنبك  
أنا ابنك اللي من دمك  
تملي يا مصر  
تملي يا مصر فاتحة  
شبابيك قبل بيبانك  
لأحبابك كلهم وخالنك

# شوية أيام

أهي كلها أيام وليالي  
بتعدي كده ثانية علينا  
وآدينا بنفتكر الذكرى  
بالمكتوب أيوة على عينينا  
عمرنا ما حنصغر يوم تاني  
صعبان أيوة علينا صورنا  
الماضي والحزن السائل  
واهو طعم الفرح بيتغير  
بقي ميت بين الملايين  
ضيعنا ملامح أشكالنا  
ما بقتشي حتي بتشبهنا  
وده كله ولسه عايشين  
عارفين أيوة كمان راضين  
إن الحكم أكيد لله

# مملكة الأحزان

مملكة متحركة أنا من الأحزان  
وقلب من الألم محبط ودبلان  
وحب ظالم ملوش أمان  
ودنيا جارحة  
ما فيهاش قلب متصان  
مملكة متحركة أنا من الأحزان  
وقلب من الألم محبط ودبلان  
لما يبقى جوة منك قلب فاشل  
وف كل كلامه معاك  
بتحس بأنه بيكذب عليك  
ويقول للناس في غيابك  
إن عمره ما حب حد في حياته  
قد ما حبك  
والقلب كمان..  
لا فيه قبلك ولا بعدك  
مملكة متحركة أنا من الأحزان

وقلب من الألم محبط ودبلان  
محبتش الليل إلا عشانك  
وعلى إديك  
وبشتاق لطلوع النهار  
لجل أشوف النور وأنا وياك  
وبملي عيني بحسن جمالك  
وأنول رضاك  
أي كلام وبيتقال عادي  
والاسم بيحبك  
وبيخاف يجرح أجمل ما فيك  
شعورك ويا إحساسك  
أي كلام وبيتقال عادي  
مملكة متحركة أنا من الأحزان  
وقلب من الألم محبط ودبلان

# ولع يا سيدي

يلا ولع يا سيدي  
مسكني النار فإيدي  
الجو برد أيوة  
بس النهاردة عيدي  
يلا ولع يا سيدي  
دفيني بنار لهيبها  
ما هو إمتي كنا بجد  
وقت أما مال بينا البخت  
بنلاقي جنبنا حد  
يلا يا نار قيدي  
قيدي ومن لهيبك زيدي  
واتدفي ودفي إيدي  
يلا ولع يا سيدي  
ما هو حملي زاد كثير  
وغياب كان من قريب  
دمعي زاد اکتثاي قلبي باعه الحبيب  
وصبرت ع الليالي  
فعلا ماليش فيه نصيب

# سيبيني

سيبيني أحبك ولو ف صمت  
من غير ما أتكلم  
سيبيني أحبك ومن نار الحب  
أتعذب بزيادة وأتألم  
سيبيني..

سيبيني..

سيبيني..

سيبيني في بحر عطفك  
ومشاعرك أعوم  
سيبيني في موجك  
ويين عواطفك وعواصفك..  
أدوب منك وأتعلم  
سيبيني..

سيبيني..

سيبيني..

سيبيني أحبك في صمت  
سيبيني دا القلب على إديك  
في الحب داب واتعلم  
سيبيني..

سيبيني..

سيبيني..

## عشق ومات

كل ذكرياتي الحزينة  
بتفاجئني بحالة موت  
هي تبعد عن حياتي  
ويا سكرات الحياة  
كل أنفاسها ودموعي  
حالة طائيرة ف الهوا  
قلبي بيعجز عن حروفي  
كل حزن ومعاه فرح  
مرسومين ف الذكريات  
حب وكان ف يوم حقيقي  
عشق ومات  
وضاع فيه الهوى  
نار وقلبي منها انكوى

## حلمها

لما تقابلك بنت الناس  
وتحبها من جوة قلبك  
وهي كمان تحبك  
مش مطلوب ساعتها منك  
غير إنك تحمد ربك وتبوس إيدك  
إن حلمك اتحقق بفرحة حياتك  
ودعوة أمك ف صلاتها ليك  
وإن رب الكون أنعم عليك  
بواحدة أصيلة بتحب  
ما هي بنت الحتة والجيرة  
إلي ف كل وقت بتحب تظمن عليك  
متخافش منها لأنها  
دي الأكيد بتتمنالك الرضا  
والفرح لقلبك والضحكة لعنيك  
حلمها أكيد نفس حلمك  
إنك تكون ليها وإنها تكون لك  
افرح يا واد إنت بقيت عريس

اختار البدلة  
إلي تليق عليك  
والفستان إلي يستر  
جمال مراتك  
وارقص من فرحتك  
وانسى حزنك  
وابعد عن عنيك دمعتك  
وادعي لكل الناس  
وشريات وعزائم  
ومنديل ومأذون  
ودمعة من الفرحة  
بلت الفستان والطرحة  
يا نهر حبي قلبي فيه عايم  
واللؤلؤ إلي فيها  
تفاح ع الخدين  
ودبلة ذهب بإديها  
ودبلة فضة بإديك  
وألف مبروك عليها  
ومليون مبروك قلبها بقى ليك

## بتحب مين؟

سألتي..

يا ترى بتحب مين؟

قلتها:

إنت حبي الأول والأخير

واللي قلبي لساه عليها بيغير

من الأيام وسهر الليالي

يا شهد السنين

شد قلبي ليكي

عطف وحنين

قالتلي:

حسألك سؤال كمان

ويا ريت متزعلشي

شكلك حلو

بس ليه تملي كده حزين؟

جاوبتها ف كلمتين

عذاب الحب ونار الشوق

ف القلب اتكوي من زمان  
أرجوك من تاني متسألش  
لأني حجوابك وأقولك  
حببتك من ساعة ما شُفتك  
حي جوايا حبسته  
والحزن والههم عشته  
لما حسيت إنك مش نصيبي  
سألتي بتحبيني؟  
قلتلها:

حببت كل ما فيكي  
ابتسامتك ويا سلام إديك  
والفرح والضي إلي ف عنيك  
وجمالك وحسنك  
ونغازاتك المرسومة على خدك  
يا بساتين من ورد وقل  
في كل مكان عيني شايفاهم  
سألتي يا ترى بتحب مين؟  
قلتلها إنت حي الأول والأخير  
والي قلبي لساه عليها بيغير

## إسكندرانية

اعترفتلها بحبي ليها  
سألتني..  
معقولة إنت بتحبني؟  
قلت أيوة وأكيد بعشقتك  
قالتلي:  
بس أنا مش مصرية  
قلتلها:  
قصداك تقولي مش قاهرية  
بس أنا بحبك ومش خايف  
ومش مستني رد  
أصل الكلام باين في عينك  
ومرسوم ع الشفافيف  
قالتلي:  
أيوة بس بقولك  
أنا إسكندرانية  
وبحب الحياة والشط والمية  
يا حبيبتي..

عشان كده أنا حبيتك  
حبيت حاجات كتيرة فيكي جميلة  
ومهما أوصف فيها  
ما يكفيني مليون ليلة  
منهم وأحلامهم..  
صدقك في مشاعرك  
وإخلاصك في حبك  
واحترامك لشخصك السامي  
وعزة نفسك  
مش بقولك..  
حاجات كتيرة فيكي جميلة  
حتى ابتسامتك  
حبيت لبسك للعباية والجلابية  
حبيتك من قلبي  
أول ماجت عينكي في عينيا!!

# نصيحة مني

خدها نصيحة خالصة دي مني  
متفكرش أيوة ف بعدي  
أنا من غيرك حعرف أعيش  
عمر ما حيكسرني الحب  
وحموت جوايا القلب  
أنا حقدر على كل عذابي  
امسحي م العيون دمعك  
ولا كلامي مآثر فيكي  
ولا بتبكي من فراقي  
ولا الهجر وجعك؟  
إمبارح أنا كنت معاكي  
وأكون كداب لو قلت:  
زمان ما حبيتك  
بس النهاردة..

أنا خلاص نسيتك  
من غيرك أنا حعرف أعيش  
والحياة أمر واقع  
والعذاب فيها لساه  
مبينتهيش  
حبي ليك كان خسارة  
مفيش فيه للفرح أمانة  
حداوي قلبي بفراقك  
والهداوة  
اطمني..  
قلبي بيقولك خلاص  
اتقفل باب الغباوة

# متحاويليش

متحاويليش تسألني عليا  
وتدوري من ثاني ع الحنية  
يا توب كان أجمل ما بعمري  
أبيض شفاف زي المية  
وف عز الليل قلب بيتشاف  
متحاويليش تسألني عليا  
وتدوري من ثاني ع الحنية  
دنا ليلي كان كله طويل  
لو عيني جت يوم ف عينك  
مش بتلاقي عينيّ النوم  
جوايا أنا كنت بموت  
بصمتي ف وقت الصوت  
والنار بتقيد ف حشايا  
م الغيرة عليكي بموت  
كذبت كل كلامي  
وإحساسي الصادق وغرامي  
صدقت شوية ناس  
وكرهتي تعيشي أيامي

وبقيتي أيوة من الآخر  
بتعيشي لغيري مش ليا  
متحاوليش تسألني عليا  
وتدوري من تاني ع الحنية  
ده انا لما فعلا بشتاقلك  
لو حتى يوم كان ف خيالي  
ألقي ف قلبي نار تندهلك  
وأتمنى أشوفك قدامي  
وأدعي يزيد جواي الشوق  
وتحسي بغرامي وحي  
حاسس بيكي وأقول حتروق  
وأقول مش ممكن تهواني  
بس أنا مش ف بالك حتى  
نهايتنا مبقتش سعيدة  
وبداية مكنتش جديدة  
وغرامنا في آخر القصة  
أيام محسوبة وبتعدي  
متحاوليش تسألني عليا  
وتدوري من تاني ع الحنية

## شُفتك

أنا شُفتك اتغير حالي  
معرفش إيه اللي جرافي  
يمكن لما جيتيلي ف ثانية  
أيوة لقيت ف عنيني الدنيا  
طيبة قلبك أيوة وهمسك  
بتفكرني بناس حلوين  
شُفت عنيني دول مساكين  
مين في جمالك قولي ده مين  
يا أم عيون حلوة وعجباني  
بكتبلها أجمل أغنية  
شُفتك ليه اتغير حالي  
معرفش أنا إيه اللي جرافي  
يمكن أيوة عشان حبيتك  
ولا عشان من جوايا هويتك  
واتمنيتك تبقيلي حبيبة  
وقصاد عيني مني قريبة  
يا أجمل حاجة في حياتي

بيكٍ أطوي كل زمان  
يا غنوة حلوة غنيتها  
عايشة ما بينا بروح وأمان  
أنا سُفتك اتغير حالي  
معرفش أنا آيه اللي جوالي

# أخباري

عارفة إيه أكثر حاجة بتصبرني عليكي  
إني لما قابلتك آخر مرة  
شفت ندمك جوة عنيني  
يا ريت تنسي إني أحن تاني ليكي  
وإيدي تشتاق للمسة إديكي  
يا ريت تروحي عني وتبعدي  
لإني مش حقبل من تاني  
أعيش ف أحلام وأماني  
أو أندم عليكي  
لو بتابعي أخباري  
كنت عرفتي إني سبتك  
بمزاجي واختياري  
حببتك زمان منكرش وانتي ما قدرتيش  
سيبيني يلا عشان أحلم بغيرك وأعيش  
دا كلامي ليك مش لحد تاني  
ودا آخر ما عندي وأخذت أنا قراري  
يا سبب عذابي وهمي ومراري  
قلبي خلاص معدش ليكي

# الستات أنواع

ست ف بحر هموم غرقانة  
شاطرة وتغرق أيامك  
وست بنظرتها الواحدة  
تعرف تسحرك وتكونلك  
نجمة جميلة ف ضي الليل  
وانت أكيد يوم تتمناها  
أم عيالك تبقى دليل  
مين بعدك هيصون أولادك  
أصل الستات بقى أنواع  
فيهم إلي جمالها  
يتعدى جمال التفاح  
واللي من كلامها  
تغزل حرفها الكداب  
واللي كلامها كأنه ليك  
وهو كلام فواح  
وفيهم اللي تحبك من جواها

تسعد قلبك وانت هواها  
أجمل واحدة الي تصونك  
وتحفظ مالك  
وتحمي ف أرضك  
بنت الناس معدنها الماس  
حافضة لدينها  
حافضة لعرضك  
دا الستات أنواع

# مصيرك راجع

مهما طال بيك الزمن  
مصيرك راجع  
ومهما طال إحساس أمانك  
فإنت أكيد ضايح  
خليك عايش لنفسك  
خليك كدا بإيدك  
قافل عليك سجنك  
وعايش إحساس الوحدة  
ف عز ما إحنا حواليك  
ما نابك غير إنك  
خسرت قلبي اللي حبك  
وسهر وياك الليل  
لجل يداوي جرح قلبك  
ما حسنتش الأمان ف حضنك  
ورغم ضعفك وانكسارك  
حفضل عايش جوة منك

الاختيار كان اختياري  
والقرار ما كان قرارك  
مهما طال بيك الزمن  
مصيرك راجع  
ومهما طال إحساس أمانك  
فإنت أكيد ضابح

# جائز ويمكن

عشان فقير جائز  
ويمكن يتوه عني الفرح  
والسعادة والهنا  
يا خسارة خطوة  
كانت بحياتي وأخذتها  
بس يا ريتني ما كُنت سمعتها  
ولا صدقتها  
ولا فكرت ساعة فيها  
ولا حبيتها بسرعة في وقتها  
حياتي خلاص  
اتغير كل شيء فيها  
ومبقتش قادر أميز وأحس  
طعم حلوها من مرها  
عشان فقير جائز ويمكن  
بيتوه عني الفرح والسعادة والهنا

## مين سندي؟؟

مش ح فارق أبدا صورتك  
يلي خيال الصورة ف قلبي  
مين سندي حيكون لي ف بعدك  
أحلامك دي مش علشانك  
ويايا في الحلم الوردي  
مرسوملي يا أجمل شيء  
يا عطف الكون كله عليا  
يا ملايكة تسقيني حنية  
مين ده الي ف بعاذك خلى  
الدمعة تنزل ملوية

# ابعد

ابعد عن عينا  
أوعى تلمس إيديا  
لساك تسأل عليا  
ابعد واسأل عينيك  
مين اللي خاف عليك  
مين اللي حس بيك  
عايش يتمنى ليك  
ما تفارق يوم إيديا  
طال ليه يوم فراقك  
أيام شهور وسنين  
ما حسأل عن عينيك  
ولا تسأل عن عينا  
خلاص ما بقتش عايز  
أشوفك تاني حتى  
ولا أجيب سيرتك ف مرة  
ولا فاكر لحظة حلوة  
مش فاكر أيوة غير

إنك بتدوس عليا  
وعرفت تخون بجد  
تجرحني وأقول بحبك  
يلا ابعده عن عينا  
أوعى تلمس إيديا  
لساك تسال عليا  
ابعد واسأل عينيك  
يا خسارة كل ذكرى  
حلوة كانت ما بينا  
ما تبعد عن عينا  
أوعى تلمس إيديا  
لساك تسأل عليا  
ابعد واسأل عينيك

# عائش بعافر

برغم إني ف صغر سني  
بس عائش  
من همومي والجراح  
قلبي بايش  
أما حالتي روح بحزن  
وازاي بهون على أي حزن  
واديني عائش  
شبعان شقا ف دنيتي  
وفاكرها قال دي جنتي  
ترويني هم ولوم سنين  
خلى العيون تبكي  
بدل الدمع أنين  
إلي انكسر فيا حقيقي  
موتلي حنية بريئة  
ضبيع لي راحة نوم

# كرهتك

سيبيني أحب وأحلم بغيرك  
كرهت صوتك والكلام  
كرهت نفسي أكيد عشان  
عشت عمري ليكي زمان  
كرهت ريحتك  
وكل شيء بيفكرني بيكي  
كرهت قراري  
إلي زمان خلاني أشتريكي  
من بين كل الناس  
أنا بقلبي حبيتك  
كرهت ملامحي  
المرسومة بضي عينيك  
وانت الخاينة لعيشي وملحي  
كرهت سيرتك  
وكل اللي دار بيني وبينك

كرهتك..  
عشان سُفتْ غدر منك  
مش من حد تاني غيرك  
يا ناكرة حبي ليكي  
وخوفي زمان عليكي  
خلاص كرهتك  
وكرهت إني حبيتك  
وكرهت إني سهرت  
وياكي ليلك  
ويا رتني زمان  
ما كنت سُفتك  
ولا قابلتك  
كرهتك.. أيوة كرهتك

# محدثش غيرك

رغم الحزن اللي  
جوة القلب ومالي  
محدثش غيرك قادر  
عنك يغني  
ولا الأيام  
ولا حتى الفرح  
لو بقى بعدد  
حروف شعري  
وسنيني  
مفيش شيء راح  
يطويني  
ويطفي نار شوقي  
ليكي وحنيني  
صعب جدا  
كل ما في الكون ينسيني

# سميتك

سميتك بالقلب  
حببتي  
وحياتي ونور جوة  
عينيا  
بتنام روحك  
جوة عيوني  
ويزيد حبك أيوه عليا  
م انا أصلا ف العشق روميو  
من ساعة ما سُفت عيني  
بتهجي حروفك بالمي  
واسألي قلبك  
قد إيه حَبِك  
وقلبك أكيد حيقولك  
أهي روحك  
أجمل شيء فيا

# حزن ونار

جواك حزن ونار  
يكفي كام بيت على دار  
على طول لحالك  
مع ألمك وأوراقك  
بتسجل نوتة ألكانك  
يا دمع سهران وحزين  
شايلى م الهم جبال وأنين  
الحيرة عايشة جواك  
وانت ما بين جنة ونار  
يا ليل الآه  
يا عذاب النهار  
بتسمع صوت مواويلك  
ومش بإيدك الاختيار  
ولا بتثق بكلمة  
أو إمضا منك ع القرار  
والحزن طال

وزاد جواك وعليك  
حمل الجرح والمرار  
في عمرك راح  
يا هم ماضي وحزين  
محبوس بعنيك  
وأديك بقيت عايش سواح  
اسهر وما تستناش  
حد يفرحك  
أو يهديك حتى لو حلم  
إنّ شايفه قصاد عنيك  
أنا مش زعلان عليك  
حظك ف الدنيا  
رضيت به ولا ما رضيت  
دا قدر ومكتوبلك

# حتجوزك

- قُلتلها: بحبك  
قالتلي: أنا تعلّمي عالي  
- طالب إيدك  
- بس مهري عالي  
- معاكي الحياة تحلاي  
- بحبك يا ضي بدر عالي  
- إنت الفرحة بمعانيها  
- إنت الحالة اللي أنا عايشاها  
- إنتي الوحيدة إلي بتمناها  
- ابتديت أسرح فيك  
- أحلى ما فيكي حنية قلبك  
- أحلى ما فيك طبيبتك  
- ح تجوزك  
- بعشقتك  
- أكلّم المأذون  
- يا ريت  
- يا فرحة عايشة جوايا  
- يا سعدي وكل هنايا  
- ح تجوزك

# بعدك طال علي يامة

بعدك طال عليا يامة  
يا أغلى شيء عندي  
يا قلبي يا نور عيني  
يا شمس بنهاري  
ونور بليلي  
بعدك طال يامة عليا  
النور في حياتي من غيرك  
بقي يشبه الضلمة  
والدمع على طول  
مش مفارق عينيا  
مشيتي وسبتيني لوحدي  
وأنا كلي جروح  
بقيت ببات الليل بقلب  
قاتله الشوق مدبوح  
بنادي عليكي والصوت ممبوح  
إمتي أمللي عينيا من عينيك

بعدك طال عليا يامة  
يا بحر عطف وشوق وحنية  
بَعْدك مبقاش حد يحس بيا  
أو قبل ما ينام يطمئن عليًا  
حتى إخواني  
شغلاهم أحوال الدنيا  
تعبت قوي ونفسي يامة  
أحس بدفء حضنك  
وطيبتك وخوفك عليا  
ولمسة إيدك لإديا  
وحشاني وحشاني  
والله وحشاني  
يا بحر عطف  
وشوق وحنية  
بُعدك طال عليا يامة

# لحد بيتك

جيت لحد باب بيتك  
وكان نفسي أسلم عليكي  
وأشوفك وأقابلك  
وأسمع حروف كلام الحب  
في كلامك لكنك  
استكترتي عليا صوتك  
كان نفسي في نظرة  
يطمن فيها قلبي عليكي  
ويبان اشتياقك ليا  
فلمعة عنيني  
وأحس بدقات قلبك  
وأيديا لامسة إيديكي  
كنت جايلك وماسك  
صورة من أجمل صورك  
كنت جايلك بقلبي  
وكلي شوق وحنين ليكي  
خلي بابك مفتوح

دا القلب فيا داب  
من السهر والعذاب  
والألم والآه ف القلب زاد  
تعبت من التنهيد  
تعبت من الجروح  
يا آخر أمل ليا  
في غيابك..  
عايش من غير روح  
خلي بابك ليا مفتوح..  
حبيتك..  
وكلمة بحبك كانت  
هي أول كلامك  
بإحساس من مشاعرك  
يا حلم كان واتحقيقي  
إنتي مني وأنا منك  
جيتلك لحد باب بيتك

# قلب خالي

إلي يقدر ع الهجر  
والي يعيش رغم البعد  
قلب يدق من غير حب  
هُمّا ناس ومش ناس  
خالية قلوبهم  
م المشاعر  
خالية قلوبهم م الأحاسيس  
جوة صدورهم قلب ميت  
حي لكن من غير حياة  
قلب ماشي ف سكة  
الي يروح ما يرجعش

# شوية محبة

نفسى ف شوية محبة  
بس مش جايباني كرامتى  
ما الطيور ف السما طيارة  
وجوة الصدور قلوب شاردة  
ولا إنتى لحد عندي  
بتحللى وبتحرمي يا وردة  
الدمع صحيح مالي العين  
ورغم العذاب والألم  
الابتسامة لساها  
مرسومة ع الخدين  
الزعل والحزن  
غيروا ملامحنا  
بس اللي صعبان علينا  
إلى كانوا حبايبنا  
إلى هان عليهم  
قلبنا وجرحنا

هان عليهم فراقهم والعذاب  
وهانت دمة عينا  
خانوا الوعود  
وخانوا عيشنا وملحنا  
يا ألف خسارة على ناس  
مبقاش يفرق معاهم  
فراقنا وبعدنا  
دا حظنا وبختنا  
والمكتوب لنا  
الحزن والدمع  
بيجري ف دمننا  
نفسى ف شوية محبة  
بس مش جايباني كرامتي  
ما الطيور ف السما طيارة  
وجوة الصدور  
قلوب شاردة

# كاسات الشربات

كاسات الشربات  
شكلهم صحيح حلو  
لكن..

بقي صعب عليك يا قلبي  
تسمع ولو أغنية تفرح  
الكلام بقي بيني وبينها  
قاسي وكل كلمة بجرح  
حاولت..

حاولت كثير معاكي أعيش  
وانتي رافضة حبنا يبقى ف النور  
كل لما أقرب منك  
وأقول لقلبي بكره تفهمها  
أتفاجئ بإني لسة مفهمتكيش  
اعذريني على صراحتي معاك  
هي صحيح قاسية وجارحة

لكن في الغش مليش  
عيوب كتير فيكي  
ولازم تغيريها  
ليه لعيوبك تنكري وتقولي  
العيب ف الدنيا  
العيوب ملياكي  
من جواي قبل براكي  
وآه منك وآه من كذبك  
ف كل كلامك وحواديتك  
داري عنيني الخداعة  
وشرطة الكحلة الوداعة  
كاسات الشربات شكلهم  
صحيح حلو

# السكة القديمة

ساعات بكون مبسوط  
وأنا عايش لوحدي  
وساعات بكون تعبان  
لما بداوي من غيرك جرحي  
وقلة كلامي مش ضعف مني  
قلة كلامي لإني  
مش راضي عن نفسي  
لإن مفيش حد منكم فاهمني  
مضطر أكتم جوة مني ومتكلمش  
كأني مش إنسان  
ومن الجرح تعبان  
مشيت في سكة قديمة  
افتكرت إن ياما  
مشيت زمان فيها  
وأيدي كانت حاضنة إديها  
كنت ميديها الأمان بزيادة  
وفاكرها بنت ناس

بس للأسف أتاريها  
مفيهاش لا خير ولا حنان  
وعامل لها جوة مني مقام  
زاد من همي وحملي  
مضطر أمشي  
في سكي القديمة

# حاولت أبعد عنك

حاولت أبعد عنك..

بس مقدرتش

حاولت أنساكي..

بس معرفتش

كان نفسي أسلم عليكي

وتكلم عيوني عنيك

من حبي فيكي اعترفلك

إن قلبي دق على إديكي

حاولت أبعد عنك..

بس مقدرتش

حاولت أنساك..

بس معرفتش

بحبك..

بحبك..

بحبك..

ونفسي تكونيلي وأكونلك

وأكون الحقيقة الحلوة لحلمك  
وأكون حياتك  
وأكون شمسك  
وأكون ضلك  
وأكون شريان

يجري فيه دمك  
اوعي يا حبيبتي  
إحساسك يخونك  
أنا عشقك ومحبوبك  
أنا ضلك وطيفك  
أنا مجنونك  
وأعلنها لكل صريحة  
بحبك..  
بحبك..  
بحبك..

# أسف معلىش

مضطر أقول آسف  
ومعلش  
عشان بينكم  
معرفتش أعيش  
لا ليا في المجاملات  
ولا النفاق  
ف ياريت متزعلىش  
حقك عليا من تاني  
حعش من غيركم  
وحنسى الأمانى  
مع السلامة ومعلش  
الحب اللى كان  
ف القلب ليكم  
انتهى خلاص وبع معدش  
وكل ذكرى ليكم  
جوايا ماتت

وعليها أنا ندمان  
انتهت خلاص أيام زمان  
ما شفتوش مني  
غير كل خير  
ما نابنيش منكم غير الغدر  
وشوية آهات  
وجرح وقلة التقدير  
أنتم بقيتوا بالنسبالي  
دخان وف السما طابير  
خلاص فُقت وكبرت  
من بعد ما بدأت حياتي معاكم  
مضطر أقول آسف ومعلش

# مش مكتوبلي

صابر ء الحزن ومستي  
وبحلم أكون عريس ومتحني  
ولا إكمني على قد حالي  
مش مكتوبلي الفرح  
تشوفه العين والنني  
حتى اللي حبيتها  
انكتبلي أعيش العمر  
محروم من سؤالها  
وابتسامتها وطلتها  
ورغم إني محبتش حد  
قد ما حبيتها  
وحشاني..  
وواحشني صوت ضحكتها  
والدق اللي ء الباب من إيدها  
صابر ء الحزن ومستي  
وبحلم أكون عريس ومتحني

مكنتش عارف -..  
إن طعم الفراق بيوجع  
وصعب بعد فوات الأوان  
نقول يا ريت العمر يرجع  
ولو جربت نار الهجر  
ف القلب جحيم بيسلع  
صابر ء الحزن ومستني  
وبحلم أكون عريس ومتحني  
رحلة نهايتها مكتوبة  
بحروف الضياع  
وبعد فراق الأحبة  
إيه اللي نابك يا قلبي  
غير السهر والأوجاع  
صابر ء الحزن ومستني  
وبحلم أكون عريس ومتحني  
ولا اكمني على قد حالي  
مش مكتوبلي أشوف الفرحة  
في القلب والنبي

# بنت الجيران

اعترفت بعد ما كبرت  
بحبي ليها  
لما جات عيني في عنيتها  
بنت الجيران..  
أيوة بنت الجيران  
قلتلها إنتي الوحيدة  
اللي حبيتك من قلبي  
وما عرفت عيني النوم  
ولا حسيت مع حد غيرك  
الأمان..  
عايش حزين مملكش غير  
شوية ذكريات للماضي  
وعمري بيعدي ع الفاضي  
لإني خلاص  
مش شايف من غيرك  
اهتمام وحنان

ف متجبيش عليا اللوم  
إنتي اللي فارقت المكان  
عمري كله بدور عليك  
وجوة مني  
الشوق قتال إليكي  
وبسأل القريب منك  
لجل أمني عيني من عنيني  
وتلمس إديا إديكي  
عشت عمري ما بين حزني وتعبي  
من الأيام عليكي  
حزن على فراقك وإني مبقتش ليكي  
وإنك مبقتيش عشاني  
تعب وحمل تقيل  
من قسوة الأيام  
ولما كبرت ما صاب قلبي  
لما شوفتك غير الألم  
يكفيني نظرة عنيني  
وسلام من إديكي  
وبلاش الكلام

# كده يا حبيبي

كده يا حبيبي كده  
قصدني يللي كنت حبيبي  
تجرحني وتسيبني  
أكيد قاصد تعذبي  
لو كنت قاصد تجرحني  
روح عني بعيد وابعد  
يمكن ربنا يهديك  
لو كنت قاصد تعذبني  
روح عني بعيد  
وابعد مسافات الله يخليك  
يمكن ترتاح وتعيش متهني  
أنا لا بقيت حملك  
ولا حمل تعذيبك  
كفاية الدنيا عليا  
جاي وعايزني أنسالك  
من قلبي كل قسية  
آه منك.. آه يا قلبي

دنا عشت عمر معاك  
وقلبك ما حس يوم بيا  
دلوقتي عايزني أسامحك  
وانت ما حسيت دموع عنية  
أسامحك على إيه ولا إيه  
ع الغدر والقسية  
ولا على كسرة قلبك ليا  
روح عني وابعد بعيد  
كدا يا حبيبي كدا  
قصدي يللي كنت حبيبي  
تجرحني وتسيبني  
ولا قاصد تعذيبي؟

# اطمني حبعد

ليه خليتي قلبي عايش  
على الذكريات  
والحب اللي ليا جواي  
بتقولي دا مات  
وشميتي فينا ناس  
مش صافية لينا  
وعايشين على أمل  
يكسروا قلوبنا  
ويهدموا حلمنا  
ويضيعوا أمانينا  
خلوكي غيرتي نظرتك فيا  
من بعد ما كنتك  
الشوق والملاغية  
طب اطمني حبعد  
يا شجرة سعادة  
وكات طارحة  
ومتخافيش عليا

هقسي قلبي عليكي  
وهاعمل نفسي مش شايفك  
وأنا صورتني جوة عنيني  
وكل ما تيجي في بالي  
حعمل إنك مش شغلاني  
ودا صعب عليّ أكيد  
بعد الحب والحنية  
اطمني حبعد

# أنا أسطورة

اقفل كل أبوابك يلا  
امسح كل حروف الحب  
معلشي فيلمك محروق  
يلا اجمد م الجرح وفوق  
صعب عليك إنك تتمنى  
تعيش جواك طعم الفرحة  
اقفل كل أبوابك يلا  
امسح كل حروف الحب  
كان نفسي أفرح  
بس الفرحة غالي  
أفرح إزاي  
والحزن والهم من حالي  
أنا أسطورة  
فوصف أحزاني  
ضيعت كتير من عمري  
على ناس بجد ما تسواني

وعارف بان جوة مني  
جرح منهم ميدواش  
يا عمر عدى والي جاي  
صعب عليا يتعاش  
اقفل كل أبوابك يلا  
إمسح كل حروف الحب  
أصل حياتنا صعبة أكيد  
وحفضل جواها وحيد

# حياتي كلها ليكي

أيوة حياتي كلها ليكي  
وعمري ده شوية عليكي  
مهما أوصف عنك يا حياتي  
صعب عليّ أحكي عينيك  
ولا سحر القمر المرسوم  
وبحُبك ضاع مني النوم  
وأنا عاشقك وبدوب أنا فيكي  
علمتيني معنى الإخلاص  
بعد ما كان الحب خلاص  
تيجي تحب الناس بتقول  
دا أكيد مجنون الإحساس  
اتعلمت حروف القلب  
قُلت بحبه أنا وسط الناس  
وإزاي أشوفك وما أقولشي  
إني بحبك قد الماس  
لما إديكي حضنت قلبي  
وعنية دي شافتها عنيك  
أيوة حياتي كلها ليكي  
وعمري ده شوية عليكي

## بتحبها؟

- بتحبها؟
- أيوة يا ناس  
والله هي جوة ف قلبي  
حبيتها والعشق حقيقي
- طب ما تروح قلها قوام
- خايف أروح وقصاد الناس  
الحاضر منهم والغايب  
خايف أروح لحسن ترفضني
- طب روح أحسن ما يقولوا  
إن في واحد غيرك عايز  
يخطف إيدها ومعجب بيها  
اجري قوام أصل دا مش زيك  
مش ف الحب يكون مكسوف  
حيخش البيت من أبوابه  
حبيبع الدنيا علشانها  
وحيفرح بيها وياها
- هي حتروح للي شاريها

ومحدث غيري ف قلبها  
ولا حدش غيري حياخدها  
مين حياحبها قدي  
مين يفديها بروحه وقلبه  
قلبي اختارها لحسن جمالها  
ويا أدبها وطابع الحسن  
المرسوم على خدها  
- بتحبها  
- أيوة يا ناس

# محبوبي

محبوبي إنّي  
محبوبي أحلامي معاي  
مش أحلام  
مش حلم يقظة وفراغ  
أحلامنا أحلام متواضعة  
أحلامنا أحلام عادية  
بحلم وياكي بالحرية  
بيني وبينك كله كلام  
وحياتنا بالفعل حقيقة  
بنعيشها وأرواحنا بريئة  
ماهو إنّي فعلا محبوبتي  
ماهو إنّي محبوبتي

# زمان حبيتك

أيوة بكل صراحة  
أيوة زمان حبيتك  
بس خلاص ارتاحي  
الحب أهو عدى وراح  
من إيدي خلاص  
وإيدي  
مش فاضل لينا  
غير ماضي  
خلاص أهو راح  
مش باقي بالقلب غير  
ألم وهموم  
وجراح منك بالكوم  
وكلامك كان معسول  
مليان أشواق وغرام  
وخلاص أنا ليكي حقول  
حنساي لو ف الأحلام

وانتهى وقتك معايا في الكلام  
أنا شيلت ف قلبي كتير  
كفاياكي بكى وأنين  
مش عايز أشوف  
دموعك  
مبقاش يفيد عتاب  
أيوة بكل صراحة  
أيوة زمان حبيتك

# خايف

خايف أقولك  
لسة حبك جوة قلبي  
ليكي من ساعة ما شوفتك  
لما إيدي جات فإيدك  
لما قلبي شاف عينيكي  
كلمة ء المكشوف دي مني  
أبوة حقولها وبصراحة  
عيني شايفاي أميرة  
إرتاحلي قلبك يا جميلة  
إنتي من بين البشر  
يا ابتسام ونبض قلبي  
قلبي على بُعدك صبر  
بس خايف أقول  
بحبك...

# الضغوط

مبقاش لينا حد يحب  
باين ف وشوشهم وعيونهم  
كل ما نيجي نحب بجد  
نلقى جراح ودموع ع الخد  
أيوة أنا عيشتي ف وسط الناس  
واتشبعت أنا منهم غدر  
كذب وظلم وكثير هجر  
قلبي شاريهم وهما يبيعوا  
الحياة صحيح دي صعبة  
والضغوط بتزيد دي فيها  
فكرة ليه أنا قلبي لعبة  
عمري مصعبتش عليها  
يا حلم سابني وراح  
مخترتش إنه يكون جنبي  
بيزود فيا الجراح  
لساها أهي ساكنة ف قلبي  
حتعدي الحياة الصعبة

ماهي ملهاش عزيز ولا غالي  
فياريت تستسلمي للواقع  
مهما تزيد متاعبي وجرحي  
حينوبك آيه غير حزنك بعدي  
ودموعك حتزيد ف الوحدة  
مفيش حد حزين غير نفسي  
ومين اتعذب وشقي قدي  
أهزم يأسك ومايهزكش  
وامسك قلمك قول متخفش

# موج البحر

ليه خلّتي زي موج البحر  
رايح بفرح راجع بجرح  
وبداري حزني أيوة بضحكة  
راجع ليه كده بتعذبني؟  
وبتدبحني وأنت ف حضني  
كنت بحبك أيوة تملي  
سامع صوتك سامع همسك  
بس نسيت الذكرى الحلوة  
ونسيت أيوة النية الصافية  
أتارينني لقيتك بياعة  
هنت عليك وما هنتي عليا  
وايديكي الي بتجرح فيا  
ما بتسعدني ولا تفرحني  
يا خسارة لحظاتنا الحلوة  
وسنيني إلي قلبي عاشها لك  
لا صوتيتها ولا عشتها  
وبقلبك القاسي الجاحد  
آه خنتيها.. ف وقت الجد  
ضحيتَ بيها وبيا...

# خليني معاك

خليني معاك على طول  
خليني مهما العمر بينا يطول  
وبنبض الحب اللي مالينا  
حتعيش أحلامنا وحتطول  
خليني معاك  
وبكل ما فيا أنا حبيتك  
حفرشلك قلبي وروحي بيتك  
أنا بعت حياتي علشانك  
بعت الدنيا واشتريتك  
خليني معاك  
يا محلا كل شيء فيكي  
خليني معاك راح أفديكي  
يا أحلى أيامي وأوقاتي  
دايما في منامي أحلم بيكي  
خليني معاك  
أنا دم بيجري ف شريانك  
وحبيح الدنيا دي عشانك  
وأهي صورتني عايشة جواي  
خليني معاك

# أمسيات

أمسيات.. أمسيات  
وكلام كثير ويا حاجات  
ترسم قصص جوة حياتنا  
وشبعنا خلاص إحنا جراح  
والقلب خلاص ليه معدشي  
صبره بقي مافيهوش براح  
ليل ونهار بنعيش حكايات  
بقي صعب عليّ وعليك  
دي عينيّ تشوف يومها عينك  
مبقاش حتى ف يوم راحة  
قلبي قالها بكل صراحة  
ليه نتعذب باسم الحب  
وف عز موتي ليه يعشق  
إنه يشوفني وانا مدبوح  
عايشين بقي أمسيات  
وكلام وكثير ويا حاجات  
ترسم قصص جوة حياتنا  
ماهي أمسيات

## سر صعب

جوة مني سر صعب  
خطير وخايف أقول عليه  
جوة مني قلبي ساجنه  
خايف من إيديّ يطير  
م الحياة مغموم من حبسه  
ما بين أربع حيطان  
والغنا جريح ذبيح  
مش حقول لو فيه ده موتي  
لو ف يوم شعري يبوح  
حكتم جوة مني صوتي  
وأفديه بروحي ولا أقوله ليه.

## ضاع من عمري

ضاع من عمري كثير أيام  
جرح وحزن وجع وآلام  
ضاع من عمري كثير  
بين هم وغم وتفكير  
واتغيرت بجد صحيح  
وملامحى ضاعت يا زمان  
وعرفت إيه هو الجرح  
من أقرب ناس ظلموني  
طعنوني بجد خانوني  
هنت عليهم ليه ياعيونى  
ضاع من عمري أيوة كثير  
تفكير ف الدنيا والناس  
مبقاش بجد التقدير  
بيعيش كدا على أي أساس  
لساهم يبيبعوا العشرة  
يبيبعوا العيش من غير ملح

# قلبي بيناديكي

لسه قلبي بيناديكي  
روحي بتسلم عليكي  
يللي كنتي عايشة ليا  
وعايش قلبي أيوة ليكي  
قلبي لسة بيناديكي  
شغلاني ف ليل ونهار  
والبعد عنك مرار  
لسة قلبي بيناديكي  
ليه بترضي لقلب حبك  
إن جرحه ف يوم يزيد  
خلي يبقي الحب طبعك  
ليه يكون قلبك وحيد  
ارجعي ليا وتعالى  
قلبي منك سهران يلالى  
لسة قلبي بيناديكي  
أيوة قلبي مش أنانى  
مش حعيش الحب تانى

إلا ليكي  
وبحياتي ويا عمري  
أيوة فعلا حشتريري  
بوعدك بكل لحظة  
حلوة لما عشتهالي  
مش حعيش الحب بعدك  
عمر ما قلبي ف يوم ناسيكي  
أيوة قلبي مش جبان  
مش بخونك صدقيني  
قلبي على إيدك  
يهوى الجنان  
بين ضلوعي اسكنيني  
لو كان قلبك كله ليا  
طبعاً قلبي كله ليكي  
قلبي مليون بالحنان  
لسه قلبي بيناديكي

# مش عايز

مش عايز كتر كلام منك  
عن قصص العشاق والحب  
مش عايز علشان عطشان  
م الصمت اللي بيسكن قلبي  
وكلامي الحلو خلاص راح  
والقلم اتكسر أسنانه  
هو كمان مش عايز منك  
كتر كلام عن قصص الحب  
أصل خلاص بقي عايش عاجز  
والحب مات جوة مني  
أكيد مش جايز

# رياح

لا عواطف ولا أي حنين  
لا حروف ولا أي كلام  
ف الماضي ولا ف الأحلام  
وشوقي وسهري وياكي  
وعذابي ف القلب معايي  
بيصرخ م الحب م الذكرى  
كات أخرتها ويل وقاسية  
ويضيع العمر يا عينيا  
وما بين سفرك ويا فراقك  
ليه الحب بيودعنا  
وبفكر ليه أنا ف الماضي  
خليتي القلب يعيش يائس  
وغرام ف القلب صبح بائس  
كله أونطة وحوار فاكس

# معدش بح

حبي ليكي بح  
مكتوب على ورقة فاضية  
بداوي جرحي صح  
أحسن من ضربه قاضية  
علي كل لحظة حلوة  
أكيد حتندي  
جرحاني إنّي دايمًا  
فهمني ليه غلط  
دايمًا بتصدي فيا  
بتحبيلي الزلط  
وف ضربة واحدة ألقى  
جرحك يسكن ف قلبي  
لساكي بتسألني وعايضة تعذبيني  
أهو حبي ليكي شح  
معدش منه بح  
مكتوب على ورقة فاضية  
بداوي جرحي صح  
أحسن من ضربه قاضية

# إيديا حضناكي

كنت بحب الليل وعيونه  
وبستناكي ف عز البرد  
وامشي بكل دروب وياكي  
وايديا حضناكي بقلب  
القلب المرسوم ف عنيني  
يا أحلي شيء جوة حياتي  
حصلتلي أيوة دي ف عمري  
يا دعوة رب الكون ليا  
ف عز ما أنا كنت بصلي  
ساكنة ف قلبي وجوة عينيا  
يا أجمل وأطيب حاجة  
أنا بعشقتها  
وبحب عنيني يا عينيا

# حتنازل

على قد زعلى ف يوم منك  
قررت خلاص إني أتنازل  
عن حقى اللي فيكي بيتكاسل  
أصل أنا عايش روح ف الوهم  
وعليا حمولك بتزيد  
وأنا لسة زي زمان صابر  
جوايا عجوز بس عنيد  
ف الحق والخير بتعافى  
برسم قوة ف وقت جديد  
أنا لحم ودم  
وقلبي مش حديد  
قررت خلاص أتنازل

# الشعر الأبيض

الكل رجاء يسامحني  
أيوة فعلا غصب عني  
أصل ملامحي كل يوم بتتغير  
من كتر الهموم والآه  
وكبرت ف عز مانا صغير  
وكبرت وروحي بتتحير  
والشعر الأبيض والشيب  
بيقولوا ليه في حقي العيب  
وأمر صعبة بجد عليّ  
وبرغم إني بخاف أحكيها  
بس الصعب إني بجد  
لسة الذكرى عايش فيها  
بتمنالك كل الخير  
وعطيت قلبي ليك هدية

# أوتار وألحان

أوتار وألحان  
غنا وأشجان  
ورود فوق الغصون  
وكلام ف الحب  
بصوت عاشق  
معطر سهمه  
ف القلب راشق  
قلبي لسة بيحبك  
قلبي ليكي متيم  
حباب القرب منك  
ف بعدك الكون مغيم  
كل أما ألاقي قلبي  
لسة بيسأل عليكي  
غصب عني أقول معرفشي  
مع إن صورتي ف عنيني  
بحلم إني أكون وياكي  
وأعشق كل الدنيا معاي  
بنتظرك على طول يا حياتي  
على أمل إني ف يوم ألقاي

# وحشتيني

لساها ما قالتليش  
بحبك ووحشتني  
وانت الوحيد اللي  
قلبي له شدني  
وبرغم إنك عني بعيد  
وبيني وبينك مسافات  
ف من ساعة ما عينيك  
جات ف عينية  
شغلت البال جننتني  
ودخلت قلبي وسهرتني  
يللي شغلتي  
يا أجمل شيء حصلي  
يا رب يديمك عليّ  
ودايما أقولك  
بحبك ووحشتيني

## الفهرس

119..... قلب خالي.....	68..... احساسك بحزنك.....	3..... الإهداء.....
120..... شوية محبة.....	70..... محدش غيرك.....	4..... التعريف بالشاعر.....
122..... كاسات الشربات.....	71..... جناب العشاق.....	5..... المقدمة.....
124..... السكة القديمة.....	72..... قومي يا مصر.....	9..... صدقتك إنتي.....
126..... حاولت أبعد عنك.....	74..... روعي يتحن.....	12..... خنتي.....
128..... آسف معلى.....	76..... حتوحشيني يامة.....	14..... انساها يا قلبي.....
130..... مش مكتوبلي.....	78..... تملي يا مصر.....	17..... حاولت أسعدك.....
132..... بنت الجيران.....	80..... شوية أيام.....	19..... خدي بالك.....
134..... كدة يا حبيبي.....	81..... مملكة الأحزان.....	21..... جرح الماضي.....
136..... اطمني حبعد.....	83..... ولع يا سيدي.....	22..... إللي يشتريك.....
138..... أنا أسطورة.....	84..... سبيني.....	24..... ضيعتي حبي.....
140..... حياتي كلها ليك.....	85..... عشق ومات.....	26..... متحاولش.....
141..... بتحبها.....	86..... حلمها.....	28..... أقولك.....
143..... محبوتي.....	88..... بنحب مين.....	29..... كلامك.....
162..... سيدة عرشها.....	90..... إسكندرانية.....	30..... حاسس بيكي.....
144..... زمان حبيتك.....	92..... نصيحة مني.....	33..... سمعك.....
146..... خايف.....	94..... متحاوليش.....	36..... اشرب يا قلبي.....
147..... الضغوط.....	96..... شفقتك.....	38..... بحاول.....
149..... موج البحر.....	98..... أخباري.....	40..... ما تكذبيش.....
150..... خليني معاك.....	99..... الستات أنواع.....	41..... مكاتي.....
151..... أمسيات.....	101..... مصيرك راجع.....	43..... يا ويلك.....
152..... سر صعب.....	103..... جايز ويمكن.....	45..... مش فاكرك.....
153..... ضاع من عمري.....	104..... مين سندي.....	47..... مكسور القلب.....
154..... قلبي بيناديكي.....	105..... ابعده.....	79..... أعترفتلك.....
156..... مش عايز.....	107..... عايش بعافر.....	51..... اطمني.....
157..... رياح.....	108..... كرهتك.....	56..... الحياة رحلة.....
158..... معدش بح.....	110..... محدش غيرك.....	59..... احترت.....
159..... إيديا حضناك.....	111..... سميتك.....	60..... نفسي أشوفك.....
160..... حتنازل.....	112..... حزن ونار.....	61..... سؤال.....
161..... الشعر الأبيض.....	114..... حتجوزك.....	62..... أفهمك.....
162..... أوتار وألحان.....	115..... بعدك طال علي يامة.....	64..... ما تقدريش.....
163..... وحشتيني.....	117..... لحد بيتك.....	66..... ياخسارة.....